



Central University of
Technology, Free State

MOLAETSA O AMANG SETJHABA SA CUT

LETSATSI LA DITOKELO TSA BOTHO

21 Hlakubele 2021

2021 #4

Ho setjhaba se ratehang sa CUT

Diketsahalo tsa nako e fetileng di re rutila bohlokwa ba ho bontsha botho bathong ba bang. Re kgonne ho fihla moo re leng teng kajeno kgabareng ya sewa sa Covid-19, ka lebaka la ho theha maqhama. Sewa sena se re qobelletse ho ipotsa dipotso tse boima, ho utlwisisa diphepetso tsa nakokgolo tse tjametseng lekala la thuto e phahameng, le ho sebedisa mekgwa ya tharollo e molemo ho bohle. Bohle re lemoha bohlokwa ba tokoloho, le ha feela e ile ya ameha molemong wa bophelo bo botle le polokeho ya rona. Jwalo ka ha re tobane le ditlamorao tsa sewa sena malapeng, metsaneng, le dibakeng tsa mosebetsi, re toboketsa mantswe a mmuso a ho theha kutlwano le kaho ya setjhaba.

Selemong sena, Letsatsi la Ditokelo tsa Botho le ketekwa tlasa lepetjo le reng "Selemo sa Charlotte Maxeke: Kgothaleto ya Letsatsi la Ditokelo tsa Botho nakong ya Covid-19." Re tlotla kgabane ena jwalo ka moetapele wa sedumedi le setjhaba ya ileng a ba sebete sa ho latola melawana ya setjhaba e behelang basadi meedi, mme ya ba mosadi wa pele Aforika wa ho abuwa Lengolo la Thuto e Phaheng ya Mahlale naheng ya Amerika dilemong tse 100 tse fetileng.

Ho sa natse boemo ba hae setjhabeng, o ile a phela ka hara setjhaba se neng se kobotetswe, mme a tsitlalla morerong wa ho ba sokolla. Jwalo ka ha reboetse re keteka dilemo tse 150 tsa sehopotso sa mohale enwa wa ntwana, ho bohlokwa ho etsa sehopotso sa menyabuketso ya hae, eo kayona basadi kajeno ba nang le tetla ya ho lwanela tekano le tthekefetso ya bong. Yunivesithi e mo ananela jwalo ka setsibi le moetapele ya hlwahlwa ya ikgethileng molokong wa hae ka ho fetola ditlwaelo. E ne e le letshwao la toka ya botho, tekano, le ditokelo tsa batho bohle lefatshe ka bophara. Seabo seo a bileng le sona ntlafatsong ya basadi ke kgothatso setjhabeng sa CUT ho sa natse morabe, tumelo le semelo sa rona.

Kgwedi ya Dikolelo tsa Botho e boetse ke sehopotso sa dilemo tse 61 historing ya mohwanto wa diketekete tsa baahi ba Sharpville ba ileng ba hwantela kantorong ya sepolesa. Ba ne ba ipelaetsa kgahlano le melawana ya boitsebiso ya Mmuso wa Kgethollo e neng e ba qobella ho hlaisa tokomane ya tumello ya ho kena dibakeng tsa makgowa. Hape keteko ya Ditokelo tsa Botho e tsamaellana le sehopotso sa dilemo tse 25 tsa kamohelo ya Molaotheo wa Aforika Borwa, oo bohlwahlwa ba ona bo babatswang lefatsheng.

Lebitsong la Boetapele ba CUT, ke kgothalletsa baithuti le basebetsi ho keteka le ho ananela tema e kgathuweng ho fihlella le ho sireletsa ditokelo tsa botho. Ha re sebediseng letsatsi le kgwedi ena ho lekola boleng ba ditokelo tsa botho, le ho keteka bohle ba lwanetseng toka setjhabeng, demokerasi, serithi, tekano, le tokoloho. Ka hoo, ha re lemoheng seabo seo re nang le sona setjhabeng ka ho ananela dintlha tsena tse thehang setjhaba se lokolohileng.

Ka lebaka la sewa seo re tobaneng le sona, moloko wa rona o ka babatsa ditokelo tsa batho ba bang ka ho fokotsa tsietsi e amang bophelo bo botle ba bona. Ka mantswe a Charlotte Maxeke: "Mosebetsi ona ha se wa hao - bolaya moya wa 'bong', mme o se ikgomohetse batho ba hao empa o phele le bona."

Ditumediso tse mofuthu

Prof. Henk de Jager

Motlatsatjhanselara le Hlooho